




桐城吳先生集

21



廣陵書社

桐城吳先生集

21



廣陵書社

桐城吳先生點勘史記

(四)

一百三十卷

宣統元年

南宮邢氏刊

桐城先生點勘史記

鄭世家第十二

史記四十二

鄭桓公友者周厲王少子而宣王庶弟也

梁云年表漢志詩譜并作母弟

宣王立

二十二年友初封于鄭

索隱系本云桓公居于械林錢云詩譜封于宗周畿內咸林今京兆鄭縣是也械林

咸林疑是一地

封三十三歲百姓皆便愛之幽王以爲司徒和集周民周

民皆說河雒之間人便思之爲司徒一歲幽王以褒后故王室治多邪諸侯或畔之於是桓公問太史伯曰王室多故予安逃死乎太史伯對曰獨雒之東土河濟之南可居公曰何以對曰地近虢鄆虢鄆之君貪而好利百姓不附今公爲司徒民皆愛公公誠請居之虢鄆之君見公方用事輕分公地公誠居之虢鄆之民皆公之民也公曰吾欲南之江上何如對曰昔祝融爲高辛氏火正其

功大矣而其於周未有興者楚其後也周衰楚必興

通志興上興有繼字

非鄭之利也公曰吾欲居西方何如對曰其民貪而好利難久居

公曰周衰何國興者對曰齊秦晉楚乎

○鄭國介居晉楚之交數被兵卒滅於三晉此處預

提綱要

夫齊姜姓伯夷之後也伯夷佐堯典禮秦嬴姓伯翳之後也

伯翳佐舜懷柔百物及楚之先皆嘗有功於天下而周武王克紂

後成王封叔虞于唐其地阻險以此有德與周衰竝亦必興矣桓

公曰善於是卒言王東徙其民雒東而虢鄆果獻十邑竟國之二

歲犬戎殺幽王於驪山下并殺桓公鄭人共立其子掘突

梁云杜世譜國

語注并作滑

是爲武公武公十年娶申侯女爲夫人曰武姜生太子寤

生生之難及生夫人弗愛後生小子叔段段生易夫人愛之

○鄭數有

適庶之爭皆與此相應 二十七年武公疾夫人請公欲立段爲太子公弗聽

是歲武公卒寤生立是爲莊公莊公元年封弟段於京號太叔祭仲曰京大於國非所以封庶也莊公曰武姜欲之我弗敢奪也段至京繕治甲兵與其母武姜謀襲鄭二十二年段果襲鄭武姜爲內應莊公發兵伐段段走伐京京人畔段段出走鄆鄆潰段出奔共於是莊公遷其母武姜於城穎誓言曰不至黃泉毋相見也居歲餘已悔思母穎谷之考叔有獻於公公賜食考叔曰臣有母請君食賜臣母莊公曰我甚思母惡負盟奈何考叔曰穿地至黃泉則相見矣於是遂從之見母二十四年宋繆公卒公子馮奔鄭鄭侵周地取禾二十五年衛州吁弑其君桓公自立與宋伐鄭以馮

故也二十七年始朝周桓王桓王怒其取禾弗禮也二十九年莊

公怒周弗禮與魯易祊許田三十三年宋殺孔父三十七年莊公

不朝周周桓王率陳蔡虢衛伐鄭莊公與祭仲高渠彌發兵自救

王師大敗祝瞻射中王臂

索隱左氏作祝聃錢云說文瞻垂耳也與聃音義相近

祝瞻請從

之鄭伯止之曰犯長且難之況敢陵天子乎乃止夜令祭仲問王

病三十八年北戎伐齊齊使求救鄭遣太子忽將兵救齊齊釐公

欲妻之忽謝曰我小國非齊敵也時祭仲與俱勸使取之曰君多

內寵太子無大援將不立三公子皆君也所謂三公子者太子忽

其弟突次弟子亹也

○因祭仲之言側入三公子提挈後文

四十三年鄭莊公卒初

祭仲甚有寵於莊公莊公使爲卿公使娶鄧女生太子忽故祭仲

立之。是爲昭公。莊公又娶宋雍氏女。生厲公突。雍氏有寵於宋。宋莊公聞祭仲之立忽。乃使人誘召祭仲而執之。曰：「不立突，將死。」亦執突以求賂焉。祭仲許宋，與宋盟，以突歸。立之。昭公忽聞祭仲以宋要立其弟突，九月辛亥，忽出奔衛。己亥，突至鄭。立是爲厲公。厲公四年，祭仲專國政。厲公患之，陰使其壻雍糾欲殺祭仲。糾妻祭仲女也，知之，謂其母曰：「父與夫孰親？」母曰：「父一而已。」人盡夫也。女乃告祭仲。祭仲反殺雍糾，戮之於市。厲公無奈祭仲何。○左氏云：宜其死也。句外有恨聲。此云無奈祭仲何，最得左氏不言之意。怒糾曰：「謀及婦人，死固宜哉。」夏，厲公出居邊邑櫟。祭仲迎昭公忽。六月乙亥，復入鄭。即位。○復入鄭，即位句是。爲子亶也。句，故鄭亡厲公突。句分應三公子。秋，鄭厲公突因櫟人殺其大夫單伯。左氏索隱

作檀伯錢云單檀古文通用歷書單闕一作亶安淮南秦族訓密子治亶父卽單父也詩下民卒瘁沈重本作瘡則檀單自可通

遂居之諸侯聞厲公出奔伐鄭弗克而去宋頗子厲公兵自守於櫟鄭以故亦不伐櫟昭公二年自昭公爲太子時父莊公欲以高渠彌爲卿太子忽惡之莊公弗聽卒以渠彌爲卿及昭公卽位懼其殺己冬十月辛卯渠彌與昭公出獵射殺昭公於野祭仲與渠彌不敢入厲公乃更立昭公弟子亶爲君是爲子亶也無諡號子亶元年七月齊襄公會諸侯於首止鄭子亶往會高渠彌相從祭仲稱疾不行所以然者子亶自齊襄公爲公子之時嘗會鬪相仇及會諸侯祭仲請子亶無行子亶曰齊彊而厲公居櫟卽不往是率諸侯伐我內厲公我不如往往何遽必辱且又何至是卒行於

是祭仲恐齊并殺之故稱疾子亹至不謝齊侯齊侯怒遂伏甲而殺子亹高渠彌亡歸歸與祭仲謀召子亹弟公子嬰於陳而立之是爲鄭子。是歲齊襄公使彭生醉拉殺魯桓公鄭子八年齊人管至父等作亂弑其君襄公十二年宋人長萬弑其君湣公鄭祭仲死十四年故鄭亡厲公突在櫟者使人誘劫鄭大夫甫瑕梁云以傳爲甫要以求入瑕曰舍我我爲君殺鄭子而入君厲公與盟乃舍之六月甲子瑕殺鄭子及其二子而迎厲公突自櫟復入卽位初內蛇與外蛇鬪於鄭南門中內蛇死居六年厲公果復入入而讓其伯父原曰我亡國外居伯父無意入我亦甚矣原曰事君無二心人臣之職也原知罪矣遂自殺厲公於是謂甫瑕曰子之事君有

二心矣。遂誅之。瑕曰：重德不報，誠然哉！厲公突後元年，齊桓公始霸。五年，燕衛與周惠王弟穧伐王。王出奔溫，立弟穧爲王。六年，惠王告急鄭厲公，發兵擊周。王子穧弗勝，於是與周惠王歸。王居于櫟。七年春，鄭厲公與虢叔襲殺王子穧，而入惠王于周。秋，厲公卒。子文公躋立。梁云：躋，左穀年表作捷。公羊作接，人表作接。厲公初立，四歲亡居櫟。居櫟十七歲，復入立。七歲與亡，凡二十八年。○六句用紀年總束。文公十七年，齊桓公以兵破蔡，遂伐楚，至召陵。二十四年，文公之賤妾曰燕姑夢天與之蘭。○與虵鬬妖祥相應。曰：余爲伯儵，余爾祖也。以是爲而子。蘭有國香，以夢告文公。文公幸之，而予之草蘭爲符，遂生子，名曰蘭。三十六年，晉公子重耳過文公，弗禮。文公弟叔詹曰：重耳賢，且又同姓。

窮而過君不可無禮。文公曰：諸侯亡公子過者多矣，焉能盡禮之。

詹曰：君如弗禮，遂殺之。弗殺，使即反國，爲鄭憂矣。文公弗聽。三十

七年春，晉公子重耳反國立，是爲文公。秋，鄭入滑，滑聽命，已而反

與衛。於是鄭伐滑。周襄王使伯犍請滑。梁云：犍，古服字。鄭文公怨惠王之

亡在櫟，而文公父厲公入之，而惠王不賜厲公爵祿，又怨襄王之

與衛滑。○四句索連總綴所，謂大塘打絳者也。故不聽襄王請，而囚伯犍。王怒，與翟

人伐鄭，弗克。冬，翟攻伐襄王。襄王出奔鄭。鄭文公居王于汜。三十

八年，晉文公入襄王成周。四十一年，助楚擊晉。自晉文公之過無

禮，故背晉助楚。毛本背作倍。四十三年，晉文公與秦穆公共圍鄭，討其

助楚攻晉者。○此者字與擊楚之殺義帝者正同。及文公過時之無禮也。初，鄭文公

有三夫人寵子五人皆有罪蚤死公怒慨逐羣公子

方引蔣西谷說慨爲既字

訓爲盡據五帝紀徐廣注爲證最是

子蘭奔晉從晉文公圍鄭時蘭事晉文公甚謹

愛幸之乃私於晉以求入鄭爲太子晉於是欲得叔詹爲僇

上句方

言子蘭求入鄭爲太子忽入叔詹是大斷下文秦兵罷鄭文公恐句下接晉文公入蘭爲太子是遙接此文家斷續法

鄭文公恐

不敢謂叔詹言詹聞言於鄭君曰臣謂君君不聽臣晉卒爲患然

晉所以圍鄭以詹詹死而赦鄭國詹之願也乃自殺鄭人以詹尸

與晉晉文公曰必欲一見鄭君辱之而去鄭人患之乃使人私於

秦曰破鄭益晉非秦之利也秦兵罷晉文公欲入蘭爲太子以告

鄭鄭大夫石癸曰吾聞姑姓乃后稷之元妃其後當有興者子蘭

母其後也且夫人子盡已死餘庶子無如蘭賢今圍急晉以爲請

利孰大焉遂許晉與盟卒而立子蘭爲太子

諸本皆作卒而局本張本依梁氏志疑乙

之吾謂當依舊云卒而者猶言既而已而也通志無卒字

晉兵乃罷去四十五年文公卒子蘭

立是爲繆公繆公元年春秦繆公使三將將兵欲襲鄭至滑逢鄭

賈人弦高詐以十二牛勞軍故秦兵不至而還晉敗之於崤

○秦穆公

使三將至敗之於崤此敘事忽起忽斷初往年鄭文公之卒也至秦兵故來追補前事卽入後文方侍郎極愛此種○此開荆公文

法初往年鄭文公之卒也鄭司城繒賀以鄭情賈之秦兵故來三

年鄭發兵從晉伐秦敗秦兵於汪往年楚太子商臣弑其父成王

代立

○上句敗秦兵於汪終秦事下用往年二字追紀前事與左傳鄢陵之戰先敘甲午後用癸巳二字追敘前事文法正同

二十一年與宋華元伐鄭華元殺羊食士不與其御羊斟怒以馳

鄭鄭囚華元宋贖華元元亦亡去晉使趙穿以兵伐鄭二十二年